

王焱
編

日本漢文學百家集

179



北京燕山出版社



王焱 主編

日本漢文學百家集
179



北京燕山出版社

第一七九册

幽谷餘韻 後編 卷八至卷十五 文政七年

.....
一

幽谷餘韻後編

共三十

八

幽谷餘韻後編卷之八目錄

文部

碑銘類

華藏界塔表

天德禪師塔銘

護州和尚塔銘

無聞和尚塔銘

雪庭和尚塔銘

宋仙和尚塔銘

全國和尚塔銘

梅童和尚塔銘

天麟和尚塔銘

自休居士墓表

般若供養塔表

靈性清信士墓誌銘

深尾清次碑銘

深尾氏碑銘

山口氏墓誌

宗篁居士墓表

淨安居士牌陰

慧仙童女墓表銘

淨濟居士墓表

良井居士墓表

宇野氏墓表

杳掛氏墓表

榮昌大姉墓表

教安居士墓誌銘

榮臨大姉墓表

昌吟大姉墓誌銘

藤森氏四世墓誌

書慈恩寺開山牌陰

幽谷餘韻後編卷之八目錄

幽谷餘韻後編卷之八

近江 高島 沙門千丈實巖 著

信濃 松城 鎌原重賢子齊 編

文部

碑銘類

華藏界塔表

華藏界者、勢州鈴鹿郡、大岡寺村、朝明山龍光禪院、
開祖仰尚、自名其塔、而所手書、以表依歸也、師諱實、
字括華、越前今莊人、父野坂氏、母後藤、目黑、其家
莊號也、師以延寶丁巳十月四日生、受業正傳、大休

和尚分座青龍鐵門和尚嗣法丹波法華開山丹翁
和尚實永平二十三世嫡裔也始住江州覺傳寺十
年適得廢寺號曰慈恩於日瓜村躬親訟官復其
舊名改爲禪居以隱焉少焉復住若州龍澤寺三年
董向陽寺享保甲寅來化此地元文丁巳官免
院號寬保癸亥殿宇成矣寬延戊辰結制寶曆庚辰
冬示微疾十二月朔書偈曰前來後去來去無跡曠
獨尊無二擲筆泊然寂矣世壽八十四法臘七十三
據治命葬全身於此蓋師始看拈華話久之遂乎一
夕暗中憶誦華嚴數句豁然撲破疑團矣自爾更字

拈華日課華嚴又嘗有故常念地藏數有靈應既住
此地有年垂三詔曰山號朝明因甚金烏飛院
稱龍光因甚毒蛇橫古路室名無礙因甚撞著牆壁
人多不契頑極和尚有著語手書見星棧楷置龍光平生不許記室開堂
語等僅收拾耳得法者真學以下共十人四人先逝
家業亡慮數十人受戒者以萬計顛末備如年譜及
院記所載

大光開山天德禪師塔銘并序

古曰其先祖無美而稱之者是誣也有善而弗知不
明也知而不傳不仁也此三者君子之所恥也故凡

孝子順孫生于其家則必欲爲其祖宗有美則稱之
有善則知之知之則傳之以著明于天下後世者雖
我釋氏亦然故今近州益須郡守山驛佛日山增輝
院大光明禪寺住持席公竊顧其寺開祖天德禪師
傳載在僧史者不詳乃請實巖序以銘其塔焉巖按
其八世孫祐公所撰行狀師諱曇貞字天德父橘氏
母山名氏夢日輪入懷娠焉其先世家洛陽中移江
州志賀郡又移越州後復反志賀蓋貴族之裔也師
以正慶元年壬申生于志賀齟齬而見僧則喜焉父
母聽學台教非其好也去參通幻禪師於永淳幻器

之師亦服焉。一日幻途問曰：不思善不思惡，止與麼時，那箇是汝本來面目？師左右顧卓爾立，幻曰：未。在。師進數步，叉手而立，幻曰：正當恁麼時如何？師偃掌之，幻呵呵大咲，遂受印可。與了菴石屋等稱十哲焉。久之還鄉，有台徒祐元法印者，數蒙示誨，遂以其所往醴泉寺與師爲禪居。此則持統帝時醴泉所出之處，釋法員所創也。法員蓋法相碩德奉勅嘗泉之時，改其地所舊有益須寺以名醴泉寺也。旣而師應請開堂辦香，熱于通幻，逮欲經始法堂也。一夜庭上發大光明，村民以爲失火奔而救之，唯見大光一

道焜耀屬天而已。黎明就掘其地，則得扁額，佛日山三字昭然，卽以揭之。且改寺號，如今而以增輝院加之。蓋祝遠大也。先是高氏將軍繕葺片岡山達磨寺，寺有祖師與太子對像，古筆也。將軍手書彼歌二首於其上，以供養于營中。傳至其孫義滿，義滿參師問禪，且割膏腴賑廚。時彼像亦歸師，今見在焉。師嘗行化周州，應緇素請，欲創精舍，迨相攸也，見一山椒，童女以手招師。師到其處，謂曰：境信美矣，惜哉乏水。女曰：勿患焉。忽失其形，入夜清泉涌出，石窟溫而如湯。有一老人蒲伏于前，曰：我往矣，請師住焉。於乎營

建矣。今之_二光陽寺_一是也。尋遊筑前州良大化。亦爲建
南林寺。師留無何。復反大光。於幻師戢化之後。歷住
永澤龍泉。二刹前後殆四十年。緒業大振。百廢俱興。
道風遙聞。四眾悅服。正長二年。己酉中秋。解印龍泉。
而隱于宗生寺。九月六日。無疾而化矣。法臘若干。世
壽九十八。荼毘收骨。分塔各處。法嗣若干。如日菴。光
運溪。用哲叟。俊卽其尤者。而世所稱天德三派是也。
今田間有甘香井。是爲醴泉。舊跡自甘香井。環寺四
方。雖多污菜。絕無蛙鳴。雖有虺蛇。不敢螫人。是爲木
光。二奇。膾炙古今。蓋師嘗呪之也。嗚呼。師之有美若

此豈可不稱乎、師之有善若此、豈可不知乎、知而稱之、則豈可不傳乎、夫傳之者、非文字而奚依、庸公之請宜也、乃拜稽首爲之銘、曰、銘闕

界遠護州和尚塔銘

我宗之徒、隸籍祖山、則稱和尚、否則否也、今公菴主而稱和尚、有道也、重續諸祖傳、載曰、菴主據實也、然以中莊誤爲深溝、深溝始之居也、中莊終焉、處也、木像石塔、皆在中莊、中莊施主、北川氏性禪、供養於公、殆二十年、後承公教、從德巖、惟慧和尚、剝染以卒、公世侍之、公卒、躬住其菴、故至今號曰性禪菴、菴藏

志賀郡白羽山旭潭和尚所撰行實一通今之北川氏乃性禪曾孫也其弟從巖爲僧名曰實鎮鎮爲紹介以請參考行業作其塔銘且斷重續地名失考顧我先師龍光開山拈華老人初參于公厚矣巖幼掠聞其每對客說公行狀言猶在耳塔銘之請義不可拒因敘之曰公名護州字界遠俗姓大日方氏信州松代武族也幼而不樂處俗見佛則禮覩僧則欣對葦蔽則設之母卒育于姨母九歲自求出家父以其嗣而無弟妹不聽公至泣絕木漿父不得已乃捨念佛寺村臥雲院以爲驢鳥歲十二也居亡何激發參

禪之志。腰包往會天山於東武。聞其誨勵。憤忘寢食。天山勉參諸方。公去首謁永平祖像。以祈冥助。時有禪翁在伏見。公見之。翁示曰。禪非外得。須就自己。研究始得。公走丹後。復祈文殊。且入僻谷。誅茅晦迹。忽有省發。再走呈翁。翁叱之去。參鐵心於蔭涼。扣善老於山崎。見月舟於大槩。而造詣漫深矣。延寶中。菴于江之深溝村。一旬一食。閉戶卻埽。壁立萬仞。人不得而親疎之。居之二年。去侍我翁。太陽開山丹嶺老人。於全久寶圓。閒孜孜參究。備嘗辛苦。邈無所入。叟參惟慧於善應。慧示曰。參禪無祕訣。只要脫得生死。公